



SLUŽBENI GLASNIK

GRADA VISOKO

GODINA LVII

Visoko, UTORAK 31. oktobar 2023. godine

BROJ 09

93.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06) i člana 21. Statuta Grada Visoko („Službeni glasnik Grada Visoko“, broj: 10/21), Gradsko vijeće Visoko, na 32. sjednici, održanoj 26.10.2023.godine, donijelo je

ODLUKU

o uklanjanju postojeće i izgradnji nove zgrade JU „Dom Zdravlja“ Visoko

Član 1.

Gradsko vijeće Visoko kao osnivač JU „Dom Zdravlja“ Visoko, na osnovu Elaborata o ocjeni postojećeg stanja objekta hitne medicinske pomoći u sklopu JU „Doma zdravlja“ Visoko, donosi Odluku o uklanjanju postojeće i potpunoj izgradnji nove zgrade JU „Dom Zdravlja“ Visoko na zemljištu označenom kao kč. 1455/1 KO Visoko, u naravi Zgrada zdravstvene djelatnosti površine 702m², vlasnik i posjednik JU „Dom Zdravlja“ Visoko.

Član 2.

Nova zgrada će biti izgrađena na istoj površini kao postojeća zgrada zdravstvene djelatnosti iz člana 1. ove Odluke u kojoj su smještene službe: hitna medicinska pomoć, porodična medicina i higijensko-epidemiološka služba.

Član 3.

Za realizaciju ove Odluke imenuje se Građevinski odbor u slijedećem sastavu:

1. Mirza Ganić-Gradonačelnik Grada Visoko,
2. Esad Semić-predstavnik privrednika,
3. Mustafa Uzunalić-predstavnik privrednika,
4. Salih Lemeš-predstavnik privrednika,

5. Nihad Smailagić-predstavnik privrednika,
6. Anes Prohić-predstavnik privrednika,
7. Mirza Bukić-predsjednik Upravnog odbora JU "Dom zdravlja" Visoko.

Član 4.

Gradsko vijeće Visoko kao osnivač JU „Dom Zdravlja“ Visoko daje Građevinskom odboru iz člana 3. ove Odluke ovlaštenja da može poduzimati sve radnje vezane za realizaciju projekta uklanjanja postojeće i potpune izgradnje nove zgrade iz člana 1. ove Odluke.

Član 5.

Građevinski odbor se obavezuje:

- da za uklanjanje postojeće i potpunu izgradnju nove zgrade iz člana 1. ove Odluke obezbijedi sva neophodna sredstva za izvođenje svih radova, kao i sredstva za sve ostale troškove nastale u toku istih i da bude nosilac svih aktivnosti na izvođenju radova;
- da obezbijedi projektnu dokumentaciju u skladu sa važećim zakonskim propisima koji reguliraju oblast pružanja zdravstvene zaštite, a na osnovu koje će se vršiti svi radovi;
- da imenuje nadzor nad izvođenjem projekta i radova.

Član 6.

Građevinski odbor donijet će pravilnik o radu kojim će urediti pitanja rada i funkcionisanja Građevinskog odbora.

Članovi Građevinskog odbora, nakon usvajanja ove Odluke, potpisat će izjave da su svojevrijedno i bez naknade pristali da obavljaju sve poslove za koje su dobili ovlasti ovom Odlukom.

Član 7.

Zadužuje se JU „Dom Zdravlja“ Visoko da za realizaciju ovog projekta obezbijedi sve potrebne dozvole i saglasnosti za izvođenje neophodnih radova, a koje spadaju u obavezu pravnog lica.

Namjenska finansijska sredstva za troškove pribavljanja potrebnih dozvola iz stava 1. ovog člana obezbijedit će Osnivač JU „Dom Zdravlja“ Visoko - Grad Visoko, kroz Budžet Grada Visoko.

Član 8.

Zadužuje se JU „Dom Zdravlja“ Visoko da tokom izvođenja radova obezbijedi kontinuirano pružanje zdravstvene zaštite.

Ukoliko kontinuirano pružanje zdravstvene zaštite koje obezbjeđuju službe iz člana 2. ove Odluke, koje su smještene u postojećoj zgradi bude uvjetovano potrebom prostora, uklanjanje postojeće i izgradnja nove zgrade se može raditi u fazama, a što će se određivati prema mogućnostima organizacije rada i obezbjeđivanja alternativnog prostora, uz zadovoljavanje uslova koje zdravstvene ustanove trebaju ispunjavati u pogledu obavljanja zdravstvene djelatnosti.

Član 9.

U slučaju da Građevinski odbor ne uspije obezbijediti sva sredstva za realizaciju ovog projekta nedostajuća sredstva za završetak radova i potpunu izgradnju nove zgrade će biti obezbjeđena kroz Budžet Grada Visoko.

Član 10.

Obavezuje se Građevinski odbor da na poziv Gradskog vijeća Visoko dostavi informacije i izvještaje o dinamici i realizaciji ovog projekta.

Član 11.

Nakon završetka svih radova nova zgrada JU „Dom Zdravlja“ Visoko, predaće se u vlasništvo, posjed, korištenje i upotrebu JU „Dom Zdravlja“ Visoko.

Član 12.

Za praćenje realizacije ove Odluke zadužuje se Služba za društvene djelatnosti i boračko-invalidsku zaštitu.

Član 13.

Odluka stupa na snagu danom objavljivanja u „Službenom glasniku Grada Visoko“.

Broj: 02/1-02-298/23
26.10.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

94.

Na osnovu člana 6. Zakona o javnim preduzećima FBiH (“Službene novine FBiH”, broj: 8/05, 81/08, 22/09 i 109/12), člana 234. Zakona o privrednim društvima FBiH (“Službene novine FBiH”, broj: 81/15), člana 21. Statuta Grada Visoko (“Službeni glasnik Grada Visoko”, broj: 10/21) i člana 5. Odluke o imenovanju predstavnika - punomoćnika Grada Visoko u skupštine javnih preduzeća Grada Visoko (“Službeni glasnik Grada Visoko”, broj: 04/21), Gradsko vijeće Visoko, na 32. sjednici, održanoj 26.10.2023. godine, donijelo je

O D L U K U**o proširenju djelatnosti
JKP “Visoko” d.o.o Visoko****Član 1.**

Ovom Odlukom Gradsko vijeće Visoko, kao osnivač JKP “Visoko” d.o.o Visoko, u skladu sa Odlukom o klasifikaciji djelatnosti BiH (“Službeni glasnik BiH”, broj 47/10) daje saglasnost za proširenje djelatnosti JKP “Visoko” d.o.o Visoko, za sljedeće djelatnosti:

- 46.23 - Trgovina na veliko živim životinjama,
- 47.19 - Ostala trgovina na malo u nespecijaliziranim prodavnicama,
- 47.89 - Trgovina na malo ostalom robom na štandovima i tržnicama.

Član 2.

Obavezuje se predstavnik - punomoćnik Grada Visoko u Skupštini JKP “Visoko” d.o.o Visoko da na osnovu ove Odluke sačini i potpiše sve potrebne isprave i u saradnji sa Upravom JKP “Visoko” d.o.o Visoko, poduzme sve radnje potrebne za upis promjena u sudskom registru.

Član 3.

Ova Odluka stupa na snagu danom objavljivanja u "Službenom glasniku Grada Visoko".

Broj: 02/1-02-299/23
26.10.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

95.

Na osnovu člana 9. Zakona o komunalnim djelatnostima ("Službene novine Zeničko-dobojskog kantona", broj: 17/08), člana 13. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06) i člana 21. Statuta Grada Visoko ("Službeni glasnik Grada Visoko", broj: 10/21), Gradsko vijeće Visoko, na 32. sjednici, održanoj 26.10. 2023. godine, donijelo je

ODLUKU**o privremenom korištenju, uređenju i održavanju stočne pijace****Član 1.**

Ovom Odlukom privremeno se povjeravaju poslovi uređenja, korištenja i održavanja stočne pijace koja se nalazi u naselju Topuzovo polje, na zemljištu označenom k.č. 52/1 pomoćna zgrada u privredi površine 120 m² i pijaca 12256 m² u KO Kraljevac, Javnom komunalnom preduzeću "Visoko" d.o.o. Visoko u cilju prethodnog ispunjenja zakonskih uslova za obavljanje djelatnosti stočne pijace.

Član 2.

Javno komunalno preduzeće "Visoko" d.o.o. Visoko dužno je stočnom pijacom upravljati pažnjom dobrog privrednika, te vršiti redovno tekuće i investiciono održavanje kako bi stočna pijaca potpuno ostvarivala svoju funkciju.

Član 3.

Javno komunalno preduzeće "Visoko" d.o.o. Visoko se obavezuje da u roku 60 dana od dana donošenja ove odluke:

- izvrši sudsku registraciju djelatnosti održavanja tržnica i pijaca i organizuje rad pijace u skladu sa važećim zakonskim propisima;

- izradi Plan rada korištenja stočne pijace;
- izradi prijedlog Cjenovnika usluga korištenja stočne pijace i isti dostavi Gradskom vijeću na saglasnost;
- izradi Pravilnik o pijačnom redu i isti dostavi nadležnoj gradskoj službi na saglasnost;
- ispuniti ostale uslove za obavljanje komunalne djelatnosti propisane Zakonom o komunalnim djelatnostima Zeničko-dobojskog kantona.

Član 4.

Nakon što Javno komunalno preduzeće "Visoko" d.o.o. Visoko ispuni uslove iz člana 3. ove Odluke, Gradsko vijeće će donijeti odluku kojom će povjeriti poslove korištenja, uređenja i održavanja stočne pijace JKP "Visoko" d.o.o. i kojom će bliže urediti međusobna prava i obaveze.

Član 5.

Ukoliko Javno komunalno preduzeće "Visoko" d.o.o. Visoko u roku 60 dana od dana stupanja na snagu ove odluke ne izvrši obaveze iz člana 3., prestaje da važi Odluka o privremenom korištenju, uređenju i održavanju stočne pijace.

Član 6.

Obavezuje se nadležna gradska služba da pokrene postupak kod Federalnog ministarstva poljoprivrede, vodoprivrede i šumarstva radi prestanka statusa vodnog dobra na k.č. 52/1 KO Kraljevac.

Član 7.

Ova Odluka stupa na snagu danom objavljivanja u "Službenom glasniku Grada Visoko".

Broj: 02/1-02-300/23
26.10.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

96.

Na osnovu člana 92. Poslovnika Gradskog vijeća Visoko („Službeni glasnik Grada Visoko“, broj: 03/23), prilikom razmatranja Izvještaja o finansijskoj reviziji Grada Visoko za 2022. godinu, broj: 01-02-07-11-2-3591-7/22 od 28.07.2023. godine, Gradsko vijeće Visoko, na 32. sjednici,

održanoj 26.10.2023. godine, donijelo je
sljedeći:

ZAKLJUČAK

I

Gradsko vijeće Visoko ovim
zaključkom prima na znanje:

1. Izvještaj o finansijskoj reviziji Grada Visoko za 2022. godinu, broj:01-02-07-11-2-3591-7/22 od 28.07.2023. godine, koji je dostavio Ured za reviziju institucija u Federaciji BiH;
2. Izvještaj o finansijskoj reviziji Općine Visoko za 2015. godinu, broj:05-08/16 od 15.08.2023. godine;
3. Komentare na Nacrt Izvještaja o finansijskoj reviziji Grada Visoko za 2022. godinu, broj: 01/1-02-1031/23 od 04.07.2023. godine;
4. Odgovor po Izvještaju o finansijskoj reviziji Grada Visoko za 2022. godinu, broj:01/1-02-1453/23 od 26.09.2023. godine.

II

Ovaj zaključak stupa na snagu danom donošenja i objaviće se u “Službenom glasniku Grada Visoko”.

Broj: 02/1-02-301/23
26.10.2023. godine
Visoko

PREDSJEDAVAJUĆI
Gradskog vijeća Visoko
Nikola Pekić, s.r.

S A D R Ź A J		Strana
I GRADSKO VIJEĆE VISOKO		
93.	Odluka o uklanjanju postojeće i izgradnji nove zgrade JU Dom zdravlja Visoko	1
94.	Odluka o proširenju djelatnosti JKP “Visoko” d.o.o.Visoko	2
95.	Odluka privremenom korištenju, uređenju i održavanju stočne pijace	3
96.	Zaključak o Izvještaju o finansijskoj reviziji Grada Visoko za 2022.godinu	3

Izdavač: Grad Visoko, ul. Alije Izetbegovića br. 12A, Visoko
Uređuje: Muhamed Halilbegović, viši stručni saradnik
Glavni i odgovorni urednik: Zekija Omerbegović, sekretar Gradskog vijeća, Telefon: 032/732-502
Štampa: Grafički obrt „REMIX“ Visoko, Telefon: +387 32 746 038, Mob: +387 61 780 698